

华林胡氏老序

予尝倾观干象北辰为中天之枢而二垣九曜旋绕归向譬犹君之尊而无敢不拱焉俯察地理坤为华夏之镇而五荒八表逶延顾盼譬犹祖之亲而无敢不本焉此君亲一理忠孝一道忘之者谓之逆遗之者谓之弃慢之者谓之褻无将之戒莫大于不忠五刑之属莫大于不孝为人臣所当鞠躬尽瘁为人后所当慎终追远而不可一毫或忽也今阅胡氏谱牒上溯姓源之始下逮继世之宗明昭穆以尚祖也系所生以尚嫡也序长幼以尚齿也列象赞以尚思也非大忠大孝者而能之乎噫世之去祖未远问其自而懵然者愧于胡氏多矣。

赐进士第累官宝文阁学士兼崇政殿说书改知漳州秘阁修撰后知静江广西经略陞涣彰阁侍制侍讲赐金紫章服封婺源阁国公日每庵

朱熹 撰

华林胡氏宗谱古序

夫奔腾澎湃扬其波者必浚其源森丛郁盘达其枝者必培其本世之叙谱者率以源浚流长本固末茂为言所谓源浚本固者非侈富贵擅功利之谓盖其诗书礼乐之懿忠孝仁义之泽养之充积之厚如水溢江河木产郁林发越盛大沛然莫之能御斯为巨宗望阙推谷一万第世远则忘族繁则涣忘则本源之莫识涣则情谊不相维统其上将不至于忘本其下将不至于涂人盖推其所自由联络其心油然而生谱其可以不明者乎按胡氏其先出于舜至周求帝后满封以国而赐谥胡嗣是子孙杂处繁衍猷才迭作而以忠义文章为天下冠其大者固已铿锵宇宙争光日月足以扶纲常于千百世而其次者犹能振名节激贪丑使后先辉映有所规法兴起是岂独山川孕育之哉风声之所鼓动耳目之所濡染固有以成其德也是以称巨宗德门视他族为最盛先裔蔓延于江浙齐鲁吴楚分属郡县等处文绅武胄在在有之未可殫述宋元嘉中曰藩公太子左卫将军择华林居焉累叶传芳源诚浚矣传至胡诚公以下仕于时者多忠孝仁义之泽德于乡者有诗书礼乐之懿前作后承彬彬相望方合蜚声士林聘步云程者取取未艾也有友人胡氏诸君慨谱未续倡谋族彦礼廷南陵高氏绕而修之犹河九折汇川而同会于海挹欲于涖则识源于昆仑者深犹木千仞于霄而终传则书讳字生卒配享厝莹织悉必备展卷了然咸知其所自出与其所同出而及于所出者远而不忘繁而不涣孝敬之心油然而生而亲睦之俗不从兹挽乎后之嗣者奋然规法兴起鉴世德则触羹墙之想考世业则念弓裘之绍正彝伦而分严于尊降式箴规而摩厉乎劝惩或出而树勋于国踵前代之劳触或处而慎修于家景先人之逸轨相与绍绪于无穷则谱牒之传愈久而愈光矣若夫杨柯晦根逐流忘源胥残虐以伤宗纵匪彝以教伦观兹谱当汗颜而热衷又何赘

绍熙三年九月 之吉

赐进士第累官宝文阁学士兼崇政殿说书改知漳州秘阁修撰后知静江广西经略陞涣彰阁侍制侍讲请赐金紫章服封婺源开国公晦庵

朱熹 撰

胡氏宗谱序

善述堂藏本 朱熹

自宗子法废而族无统唐人重世族故谱牒家有之唐以后不能然苟非世之富贵多大儒族氏派系往往沉沦而莫考矣

胡氏之先自周武王封舜后胡公满于陈子孙以谥为姓历汉文恭广公以迄晋关内侯质公为立谱之鼻祖相传二十五世中间原昭穆别疏戚因流溯源由本达枝作谱以传庶几不忘本也胡氏子孙继此能自振于时则斯谱传愈欠愈光由一世及千万世莫可量也

集晋右将军 王羲之 书

注：本序文属王羲之手书抄时不易仿照未保留原貌谨将姓名三字略仿之

华林宗谱原序

华林胡君琪者一日具礼执謁于归田之野日我祖自陈留受封徙宿迁既而壮侯封豫章择居华林其宗条谱系修辑于唐宋之间屡矣今地迴支分世派不联欲重辑以归于一力未之及近承晋陵宗长礼部尚书滢恭承帝命使居江右爰集宗人躬登祖陇慨谱集之煨烬惟重新之是囑又自制序文光莫大焉由是此心拳匕思一修辑幸为拙金匱之辞掇华翰之笔著其实绩以传永久刚胡氏千百世之幸也余观华林胡氏胡公满之裔也封于陈历子孙世有其国后为楚灭其子孙散处郡邑者遂以爵谥为姓秦汉之间以治绩著者不可胜数至于刘宋抚运齐梁迭兴藩为太子左行将军封土豫章卒谥壮侯者则新吴之鼻祖也自壮侯二十有五世为魁字诚唐天佑四年登第任国子监荣迁侍御史夫人耿氏生子珣瑜琮浩球当李唐祚微五李播乱各以官迁地而处瑜为京西襄阳邓城令浩任九江球为节度迎于分陵瑗官晋陵四世孙有武平者宋天圣二年登第迁端明观大学士累官吏部尚书太子太傅卒赠太师秦国公谥文公追赠曾祖持祖徽考霖皆为太师国公宗贵为右傅职修为太保宗贤宗修等皆为少师宗哲为少保宗愈为尚书左丞谥修简世将为金书枢密谥忠献自宋及元簪笏蝉联未能金举今天子任台辅之重竭股肱之诚者则滢称首启也惟珣公世守华林至仲尧兄弟聚族八百余口四世同居筑室百区置书万卷创华林书院其来学者几如先圣之盛洗墨者致墨稻之详声闻当代降诏旌表克顺叔侄同年登第仕历秘书职掌户部直儒登第绍圣之间职擢侍御之贵继调江湖淮浙运使旋入工户二部侍御尚书义兵勤王与张叔夜齐名不仕伪主耿张拜张昌播乱建炎绍兴中加食邑九百户赠开国公瑜之裔孙安国宋高宗聘为端明学士进请春秋作胡传其子寅宏侄宪霖俱明经大儒寅号致堂有读史管见三十卷宪号籍溪为朱予之师其侍从台阁牧宰群县轨掌教教铎经明行修冠带缙绅彬匕其盛矣抑又观之民之初生自彼鸿蒙而锡姓受氏始于轩辕唐虞已降子孙因以官国为姓而庶族以繁原然所自未当不本于一人既本一人虽千百世犹同一气何支分地迴之嫌乎辨亲疏之等明乎一气之义则尊祖敬宗亲贤尚义彝伦将由此序风俗将由此厚岂不巨欤诗曰子子孙孙勿替引之予有望于他日

明正统三年戊午七月中旬

赐进士出身翰林院文渊阁修撰文江刘敬题